



盱江新城縣志



江西新城縣志卷之五



三韓周天德秉彛纂修
北田涂景祚萬年編次

秩祀志

周禮八則一曰祭祀以馭其神國之大事在祀其可忽乎一邑雖小有社稷焉有山川焉有城隍焉此皆有功烈於民者也自上世以來聖王之制祀莫先於此矣仲尼道德爲萬世宗非特前哲令德可擬故自天子至於郡縣皆得通祀卽一邑之間苟其行足範世政足佑民

武足靖亂節足植紀可以爲民質者列之祀典誰曰不
宜若夫山澤神奸冒托威勇庸嗤傳會謬標靈應前志
所不紀者依例要刪展禽曰慎制祀以爲國典可不謹
哉述秩祀志

先師廟

祀

至聖先師孔子故名先師廟堂左右列祀四配十哲兩
廡列祀先賢先儒明初因前代稱大成至聖文宣王
祀用王禮至成化十二年始加籩豆舞佾之數祭以
天子禮嘉靖九年改定禮制尊孔子曰至聖先師孔
子易以木主籩豆各損其四舞以羽籥用六佾

縣不設樂

四配

復聖顏子

宗聖曾子

述聖子思子 亞聖孟子

十哲

閔子騫 冉伯牛 仲弓 宰子我 端木子貢

冉子有 仲子路 言子游 卜子夏 顓孫子張

六十二子

舊皆有爵號
今稱先賢

澹臺滅明 原憲 南宮适 商瞿

漆雕開 司馬耕 有若 巫馬期

顏辛 曹卹 公孫龍 泰祖

顏高 攘駟赤 石作蜀 公夏首

后處 奚容箴 顏祖 句井疆

秦商 公祖句茲 縣成 燕伋

顏之僕 樂刻 狄黑 孔忠

公西箴 施之常 秦非 申棖

顏噲 宓不齊 公冶長 梁鱣

高柴 樊須 公西赤 公哲哀

冉孺 伯虔 冉季 漆雕哆

漆雕徒父 商澤 任不齊 公良孺

公肩定 鄒单 罕父黑 榮旂

左人郢 鄭國 原兀 廉絜

叔仲會 邾巽 公西輿如 陳亢

琴張 步叔乘

從祀先儒 舊亦有爵號 今稱先儒

左丘明 公羊高 穀梁赤 高堂生

毛萇 仗勝 孔安國 董仲舒

杜子春 韓愈 周惇頤 程頤

邵雍 張載 司馬光 楊時

朱熹 呂祖謙 胡安國 張栻

蔡沈 真德秀 許衡

以上仍舊二十三人

后蒼 王通 歐陽修 陸九淵

胡瑗

以上共增五人

申黨 公伯寮 秦丹 顏何

荀況 戴聖 劉向 賈逵

馬融 何休 王肅 王弼

杜預 吳澄

以上共黜十四人

林放 蘧瑗 鄭衆 盧植

鄭玄 服虔 范甯

以上共改七人於鄉俱嘉靖九年定

薛瑄 王守仁 陳獻章 胡居仁

羅從彥

以上又增五人係萬曆中年定

歲以春秋二仲月上丁日行釋奠禮前三日獻官并

陪祭官執事人等沐浴更衣散齋二日致齋一日同

宿齋所先日省牲

正獻 印官 分獻 教諭 儒士

祭器

祝板 一 牲匣 二 案桌 一 四十 筐 九 籩 一 一百 豆 二 一百 登 十 簋

四十 簋 一 四十 銅爵 二 一百 瓦爵 五 五十 酒罇 五 五十 酒杓 五

酒瓶 五 香鑪 大 一 中 七 燈籠 五 燭臺 三 三十 方盤 二 一百 水盆

三并 鍋 六 桶 毛血盆 八 鐵花瓶 一 對 盛祭器厨 二

祭品

正壇

羊一豕一太羹和羹形鹽藁魚棗栗

葵菱芡鹿脯韭菹醢醢菁菹鹿醢

芹菹兔醢荀菹魚醢黍稷稻粱

帛一丈八尺饌一罇三爵三案燼一燭大二小四罍洗一盥盆

二燎爐火炬瘞坎

東西配壇

羊一豕一各分四體鉶鹽爵簋簋籩籩豆筐

饌案爐燭

東西哲壇

豕筐帛爵饌鉶簋籩籩豆

東西廡壇每四位為一壇

豕一東解四十七分西解四十四分筐一帛一爵各罇一罍洗一盥

盆一饌一簋籩各籩豆各

祭文云惟師德配天地道貫古今刪述六經垂憲萬

世茲惟仲春秋庶品式陳尚饗

各儀注陳設悉如常例

啓聖公祠在明倫堂後舊稱燕居扁桂香深處

祀

啓聖公孔子以四氏配

顏路曾點孔鯉孟孫氏

從祀者三人

程珦朱松

蔡元定

明初因宋元舊制祀於闕里至嘉靖間始定議

於各處廟學別立一祠革去前代封爵本主稱啓聖公孔氏配以四賢之父將有事於先師則先釋菜以教官行禮祭文云惟公毓秀魯邦誕生聖子爲萬世王者師功莫大焉茲當仲春秋用伸常祭祭品陳設儀注各如常例

名宦祠

在文廟戟門之左明正德十一年知縣黃文鸞建歲

以春秋二仲月主丁日文廟禮畢舉祭內祀宋縣令

趙公輔李維芭崔與之元縣尹王瑄侯敬苗益明知

縣陳員韜沙良佐段敏駱載德蕭一中張文琮葉良

珮馮時湯建衡教諭陳旒訓導陳良心陳豫章祭文

曰諸公生也異地宦也同方布時德政先後相望民

孚于休賁茲仰止式祀告崇永昭遐軌尚饗

按明隆慶志云聖王之制祀也法施於民則祀之以

死勤事則祀之以勞定國則祀之能禦大災則祀之

能捍大患則祀之非此族也不在祀典以一小邑之

新城縣志
官必皆若是其得列於祀典則固難矣惟其善政遺
惠能使人不忘斯祀之可矣新城是祠創於黃尹其
所祀亦判於黃尹宋三令元三尹明知縣丞簿尉共
二十八人誠不免輕濫之失嘉靖初知縣蕭一中釐
正止祀宋縣令趙公輔明知縣陳員韜段敏教諭陳
旒訓導陳良心所裁又似過嚴茲惟酌其有勞惠在
民不可忘而堪議祀者宋三令元三尹明知縣九人
教諭一人訓導二人其諸善政可紀者後有表傳書
之足以永譽

鄉賢祠

在文廟戟門之右歲以春秋二仲月上丁日文廟禮
畢舉祭內祀陳黃法軫五代危佑宋李觀王无咎呂
南公鄧潤甫傅野張淵微劉虢瑞元左祥饒朴明朱
大中何澄程新涂順朱徽何屋陳袞李泰王祿王材
鄧元錫涂朝敬鄧漢過聞韶祭文曰仰惟諸公卓哉
先覺德行文章式我後學閱世雖遠盛名愈彰式崇
報祀用昭不忘尚享

按明隆慶志云宋紹興十三年縣令李維芑建四賢

祠於廟左祀李王鄧呂四儒元末燬明正德十八年
邑令陳員韜重建於文昌閣又增以張公淵微後何
舸齋濫開所祀增唐丞相鄭畋胡僉事夢魁黃尚書
肅共八人正德間黃令始建此祠又增危全諷危仔
昌元絳諸公凡二十五人嘉靖初知縣蕭一中釐正
止祀陳司空法蕘宋四賢及張淵微明何垕陳袞李
泰王祿所裁亦似過嚴茲酌其應祀者如宋四賢之
外政事若危博士祐劉侍郎號瑞元左知府祥明涂
主事順程長史新朱助教大中何給事澄朱知縣徽

未可輒削黃司空本崇仁人但以其有功江西故諸
縣祀之若鄭公畋原非邑產元公德昭易姓徙越絳
雖元胤距邑世遐全諷兄弟雖有保障功自當別祀
故紹興四賢之祠止於李王鄧呂豈無見哉宋黃灝
云立祠於學者不以功德名位諸不在六藝之科者
不在列不知君臣父子夫婦朋友之義者不在列不
知正心誠意修身謹獨之學者不在列則議斯祀者
固當以道德爲歸矣今雖不能一一盡協要當以道
德爲上功業次之武功文藝又當別論也至於聲影

牽借尤足爲耻矣

附錄各年所議祀姓名

宋紹興十三年知縣李維芑定祀四人

李說書觀王直講无咎鄧左丞潤甫呂處士南公

明正德中知縣陳員韜增祀一人

宋狀元張淵微

正德丙子志載知縣黃文鸞共增祀二十五人

唐鄭宰相畋危南庭王全諷危刺史仔昌五代元丞

相德昭宋危進士拱辰危進士祐元進士絳李說書

觀王直講无咎鄧左丞潤甫呂處士南公張狀元淵

微王訓導嚮蕭通判雷龍傳教授野元饒教授朴胡

僉事夢魁左知府祥明黃尚書肅朱助教大中何給

諫澄涂進士欽涂主事順劉進士紹朱知縣徽

嘉靖初知縣蕭一中止祀八人

陳黃法蕘宋李觀王无咎鄧潤甫呂南公張淵微明

何屋陳袞

隆慶辛未志載司成王材又議祀十八人

陳黃法蕘宋危祐李觀王无咎鄧潤甫呂南公張淵

徵劉曉瑞元左祥明朱大中涂順程新何澄朱徽何
屋陳袞李泰王祿

萬曆十六年知縣葉甘瓠又增祀二人

國子祭酒王材翰林待詔鄧元錫

天啓崇禎間知縣吳之屏楊榮增祀三人

贈太僕卿涂朝敬中丞鄧漢贈知縣過聞韶

以上二壇釋奠後主祭官同陪祭官各易常服詣祠
前行禮儀注祭品一如常例

土地祠

在聖廟東春秋上丁日祭畢祀之

社稷壇

在縣郭大溪之西地名巖岡北向中爲壇建石主同
一壇社右稷左祀縣社縣稷之神前爲門四環以垣
西爲齋所庫房宰牲房各祭器祭品陳設儀注俱有
定制歲以春秋二仲月上戊日陳其主而祭之正獻
以長官行三獻禮餘官陪祭文曰品物資生蒸民乃
立養育之功司土是賴惟茲仲春秋禮宜告祀謹以
庶品式昭明薦

親城縣志
按邑社稷壇建自駱令續邵宗亮陳紋蕭一中相繼
修繕厥後壇墮荒地房垣消盡卽樹木久爲風雨所
拔無續植者

風雲雷雨山川城隍壇

在南郊迷沾山南向中爲壇前爲門四由南入東爲
齋所神厨庫房宰牲房祭器祭品陳設儀注各具祀
中爲風雲雷雨之神左爲境內山川之神右爲城隍
之神一壇設三神位歲以春秋二仲月上戊日陳其
主而祭之牲用羊豕各三帛七文曰惟神妙用神機

生育萬物奠我民居足我民食今茲仲春秋用伸常
祭

邑厲壇

在北郊石碓嶺下龍湖寺側明洪武間知縣沙良佐
建制與社稷壇同後爲溪水衝決嘉靖間改祀今所
壇厨庫庖齋宿俱未備祭器祭品陳設儀註各依舊
例歲以清明中元十月朔凡三日先期告於城隍厥
明導城隍於壇榜無祀鬼神而祭之文曰普天之下
后土之上無不有人無不有鬼神人鬼之道幽明雖

殊其理則一尚念冥冥之中其間有遭兵刃而橫傷者有死於水火盜賊者有被人取財而逼死者有被人強奪妻妾而死者有遭刑禍而負屈死者有天灾流行而疫死者有爲猛獸毒蟲所害者有爲饑餓凍死者有因戰鬪而殞身者有因危急而自縊者有因墻屋傾頽而壓死者有死後無子孫者此等鬼魂或終於前代或歿於近世或兵戈擾攘流移於他鄉或人煙斷絕久缺其祭祀姓名泯歿於一時祀典無聞而不載此等孤魂死無所依精魂未散結爲陰靈或

倚草附木或作爲妖怪悲號於星月之下呻吟於風雨之時凡遇人間節令心思陽世魂杳杳以無歸身墮沉淪意懸懸而望祭典言及此憐其慘悽故特請本處城隍主此依時享祭期於神依人而血食人敬神而知禮今某等設壇城北以三月清明日七月十五日十月一日置備牲醴羹飯專祭本縣闔境無祀鬼神等衆靈其不昧來享此祭

城隍廟

在縣城內西南宋紹興十三年知縣李維芭建正堂

三間有寢室東西廡六曹二司前爲廳爲門四環有垣明洪武元年封鑒察司民顯佑伯頒制誥四年改稱縣城隍之神去六曹設左右司知縣沙良佐重建後復設像嘉靖四十五年縣丞莊臣復修朔望縣正官率屬肅謁初蒞任先日宿廟禮祭其春秋二仲秩祀祭品儀注各見前山川邑厲壇祭文曰惟神職司縣命正直是揚靈鑒官庶彰瘝不爽今當仲春秋用伸虔祭

土地祠

在縣治儀門西歲以春秋祭南壇日致祭

旗纛

在守禦衙門處所於公廨後築臺立旗纛廟祭軍牙大纛之神歲春秋以驚蟄霜降日行禮新城無守禦衙門歲於教場行霜降一祭文曰維神正直無私指揮軍士助揚威武皆仗神功某等欽奉上命守禦茲土維茲季秋謹以牲醴庶品用伸常祭尚享

里社壇

邑里社壇郡志載八十六所然實未有壇村里間就

古木小丘或立小庵稱社公廟或稱社林洪武初制凡各處鄉村每里一百戶內立壇一所祀五土五穀之神專爲祈禱雨暘時若五穀豐登每歲輪一戶爲會首潔淨壇場遇春秋二社預期率辦祭物至日約聚祭祀畢行會飲禮會中先令一人讀抑強扶弱之誓其詞曰凡我同里之人各遵守禮法毋恃力凌弱違者先共制之然後經官或貧無可贍周給其家三年不立不使與會其婚姻喪葬有乏隨力相助如不從衆及犯姦盜詐僞一切非爲之人並不許入會讀

誓詞畢長幼以次就坐盡歡而退務在恭敬神明和睦鄉里以厚風俗

鄉厲壇

明洪武初制凡各鄉村每里一百戶內立壇一所祭無祀鬼神專祈禱民庶安康孳畜繁盛每歲三祭春清明七月十五日冬十月一日祭物牲酒隨鄉俗置辦其輪流會首及祭畢會飲讀誓等儀與祭里社同新城鄉厲壇郡志載八十六所然實未嘗立壇禮亦久廢

新城縣志
關帝廟

一在縣廨東濯纓池上祀漢壽亭侯關公羽舊雖朔日行香而祀典不與康熙九年知縣周天德乃定以春秋二仲丁後一日用羊一豕一祀之文曰維神志存忠義行在春秋翼我清朝衛茲民物今當春秋用伸虔祭

一在城中湯家圳明邑南冢宰涂國鼎建自爲碑記

一在東城樓一在南教場俱官建

一在迷沽灣一在五福鎮居民衆建

張睢陽廟

舊在通濟橋東居民衆建後改建西門城樓

靈護廟

在南津街亦以祀張公廵者宋嘉熙三年境內疾疫禱之多應請於朝賜以靈護廟額明洪武初知縣沙良佐重建後燬居民再建改名睢陽公祠

一在中溪鎮一在下田渡一在大通寺每歲正月居民獻會極盛

三陽將軍廟

在縣東南五里舊志云五代亂離家調一丁以誅寇
亂時將軍兄弟三人俱爲壯年爭先赴敵成功以歸
死得廟祀於茲至宋紹興初石陂叛卒與草寇饒青
猖獗殆甚有顏閻二將提兵掩捕未獲造廟禱以進
兵神賜夢許之一戰凱旋遂用官緡修其廟宇

知建昌軍

朱芾有文祭之今不載

二范將軍廟

在縣東十五里廖勿齋記云予嘗讀史至軍中一范
西賊破膽喟然而嘆曰捐軀徇國之士何代無人二

范將軍安知不出其世系耶故老相傳將軍居是邦
季孟也俱爲偏校嘗與敵決戰歿於陳其義凜然不
遠數十里猶屬橐鞭執鞭弭躍馬還故里時有村嫗
掃於庭助勦狂走以箒指示衆曰將軍也即墜地馬
不復往自是威靈赫奕立致禍福凡禱祈輒應鄉人
由是而祀焉以山川之奇崇崖疊巘佳木葱鬱有山
曰金籠二峰對峙翠色插天野鳥啁啾松風撼櫪神
之血食茲土亦宜予謂古今忠臣義士生而忠於國
死而惠及於民不幸鄉無賢士大夫以事聞於朝廷

卒使忠魂義魄埋歿草野不獲以名上之太常氏贈之爵以華其忠是以世遠事湮生於後者不復知其豐功偉績甚者乃目以爲淫祀此神之不遇其時者然也可歎矣今將軍之祠實隸盱江新城古南城也鄉曰旌善抵縣治纔半舍曰威鄉分水嶺瀕官道往來無貴賤羅拜求卜輒驗昔予有襄漢之役卜之不許業已行幾不免季子大困之失紹興中有巫葉其性過祠下酒酣不敬聞冥冥中若有以詢之者踰數十步氣絕卽蹶於地其身青黝疑有以鞭之予又謂神之公忠好善惡惡之心萬古弗諉視彼不共戴天之讐此目豈能一日瞑於九京可畏也哉某感神之休敬神之靈懼其世事因革或罔知祠祀之原因述其大槩若夫盡死節福生民又神之太義存焉

雙烈祠

在南津街明嘉靖戊午九月閩寇焚掠南市市民鄧塤妻王氏與其姑徐氏被掠同罵賊而死里民呈縣申蒙撫按命立祠表之鄧元錫詩云哀哀鄧婦王抱姑當天哭賊毋殺我姑殺我我不辱我姑喪翁早青

春二十五完節長我夫年歲忽已暮奈何刼之去驅
迫同俘擄姑死婦隨之相抱泉臺路皇皇節孝門暉
暉映終古瀾瀾水尾洲有血不化土行人毋涉水中
有節孝苦

愍忠祠 祀王址 饒州人

在北郊石碇嶺下龍湖寺側明嘉靖庚申閩叛兵廣
人袁三等三百餘由泰寧出江右建撫守備王址禦
之於礪頭山馬嘴嶺死之址饒州人初為郡弟子員
屢試不第襲其世為所千戶巡撫何公愛其才薦署

指揮僉事守備建撫址既死巡按御史以聞天子哀
之贈址都指揮使士民感其忠勇共立祠祀之都御
史胡公為請賜祠額祭文以表忠烈禮部題覆賜額
曰愍忠每歲春丁後及八月初七戰死之日致祭文
曰爾遇敵敢前忘身力戰以死勤事祀典攸宜茲當
仲春秋遣官致祭用慰忠魂尚享○ 祭品一如常儀 又遂安生員鄧

正及本縣書手精兵同日陣 亡者十四人祭並照常例

崇正祠 在福山寺後祀 朱文公今燬

宋朱文公避韓侂胄譖與門人黃幹蔡沈黃鍾講學

於此各其所居曰武彛堂。後人肖像祀之。明成化甲午知縣呂讚同永豐羅倫正其位號祀於大雄殿後室。題曰崇正。○羅倫詩云：雲和草樹拂天香，萬仞宮墻拜紫陽。萬籟一空天似洗，滿船風月武彛堂。○何屋詩云：覆船山水風香朝日尋，幽到夕陽幾望景星猶耿耿，却疑夜氣逼秋堂。○何處黃花撲馬香，紫陽祠外步朝陽。老生嚮慕情無恨，醉月酬風借此堂。

○按朱氏家譜，門人黃幹傳云：宋高宗建炎四年庚戌，公生於延平尤溪鄭氏寓舍。年十四，父常齋公歿，以家事屬少傅劉子羽，為卜葬崇安五夫里。後改葬武夷鄉，遂築室里第之旁，奉母夫人遷而居焉。紹

興十七年秋，詣建州鄉舉。十八年春，登進士。孝宗淳熙二年，除秘書郎，再辭，即從其請，主管武彛山冲祐觀。淳熙十年四月，武彛精舍成，四方士來從者甚衆。韓元吉有武彛書院記云：武彛山在閩越直北，其山勢雄深，盤礴自漢以來，見於祠事。吾友朱元晦居於五夫里，在武彛一舍而近。若其外圍，暇則遊焉，與其門弟子挾書而誦，取古詩三百篇及楚人離騷而歌之，得酒嘯詠，留必數日。蓋山中之樂，悉為元晦之私也。淳熙之十年，元晦既辭使節於江東，遂賦辭官之祿，則又曰：吾今營其地，果盡有山中之樂矣。于是誅鋤草萊，僅得數畝，面勢清幽，竒木佳石，拱接映帶，使第子具畚鍤，集瓦竹相牽成之。元晦躬畫其處，中以為堂，旁以為齋，高以為亭，密以為室。講習肄業，琴歌酒賦，莫不在是。寧宗慶元二年丙辰八月，禁用偽學之黨，十月召陳賈為兵部侍郎，以賈嘗擊公也。十二月修儀禮，經通解成，遍遊江西名山勝地，蓋即避佗曹與門人講學福山時也。其以武彛名堂者，因其舊所遊息之地而名，故其詩曰：迢迢百里外，望望皆閩

山蓋喜其去父母之邦不遠也。又按崇正書院在建安郡城東北隅，羅永豐所題，亦因建安之舊額而名之。今福山像祠俱燬，惟邑西嶺源有文公家廟塑像，其中考譜宋度宗咸淳二年，公幼子在第四世孫岩，因公長子塾孫浚尚宋理宗，公主國難慮有波及，遂携其子勲徙居茲土。後子姓蕃衍，明初始建立廟祠，進士田一雋有聯云：斯文上續三千載，吾道南來第一家。蓋邑嶺源之朱卽公第三子在之後裔也。譜載

李先生祠

在縣南郊赤溪祀宋儒李泰伯

卽李泰伯讀書之所，舊有風月亭。明洪武二十六年，里人鄧繼善卽其地建祠祀之。中書舍人南城章文昭書扁曰：宋儒李公祠。今廢。

呂先生祠

在縣西南石城西村

元處士朱民表所建，以祀宋儒呂灌園先生。南公者，今廢。

鄧徵君祠

在南津街祀明儒鄧元錫

明鄧元錫門人張櫟、馮渠、左宗、郢等衆建。每歲春秋上丁日釋奠，後縣正官詣祠行禮。今廢。

危王祠

在福山寺僧建以祀危全諷者，久廢

唐乾符間，所在寇亂，危全諷與弟仔昌聚衆保鄉里。中和間，詔以全諷爲撫州刺史，仔昌歷官新撫、饒、信

四州刺史全諷後追封南庭王嘗施田於福山雙林寺僧爲鑄像祀之宋紹興辛亥燬於兵鑄像亦化後僧又塑土像祀之後燬諸碑文及族系刻石者俱斷裂不復可摹讀

孔家廟

按丙子志載在縣西五十三都宏村

宋建炎二年先師四十八代孫傳與從子端友扈蹕南渡家於衢又二世莘夫丞臨川因家焉四傳至均寵於元至元間徙居於此明正德間建此廟

皇清康熙元年壬寅重修六十六代孫襲封衍聖公興燹

碑記云闕里爲聖祖嶽降之區襲封奉禮歷代相承於家譜最脩惟宋建炎二年以喪亂之後五祖襲封諱端友者避兵南渡遂與闕里宗族分而爲二矣辛丑之秋新城聶齋王公尊鳴琴我魯以文章飭吏治山左首推其嫺孝廉興僑爲吾宗人拜瞻林廟晤予杏壇之側出本支譜系予讀未竟作而曰謹家譜不忌其先孝之大者也爰細繹之原於宋建炎二年中散大夫諱傳同從子四十八代衍聖公諱端友扈高宗南渡遂家於衢由衢而臨川由臨川而新城則在

元至元二年事也逮先朝正德間詔收族屬有隨在
綴姓之文經三御史稽聯宗派奉厥林廟再考輿圖
新城邑西有賢溪者地寬饒俗純雅興雋先世以遊
學來此遂家焉蓋四百年於茲矣聶齋先人大司成
王稚川先生修縣志所載西士名山首列金龍峰曰
其下有至聖裔居焉亦以重聖祖故重之也近經兵
燹而廟貌重新非聖祖在天之靈不欲子姓散逸無
所而復合族屬於斯耶廟址故在所居室前地勢蜿蜒
發源於金龍峰上則雙溪合流下則崇洲橫亘前

則遙對會仙劍水瀑布如練後則近控紅鶴兩龜出
沒於田此其溪山爽秀洵爲豫章諸鄉弁冕人傑地
靈聖祖之遺澤所在不替若是哉夫水有源故流派
遠木有本故枝葉茂吾聖祖以德侔天地功賢堯舜
古今一人方且綿綿嗣續彌遠而彌盛又安有本支
異地之殊哉予不敏敬泚筆以勒貞珉敢曰聊以塞
數千里之請蓋萃離渙子姓尊祖敬宗道固宜然也

江西新城縣志卷之六

三韓周天德秉彛纂修

北田涂景祚萬年編次

禮儀志

安上治民正教訓俗莫善於禮禮者所以辨上下定等
威別嫌疑明是非以一民志也無非欲民知君臣之義
父子之親長幼之序夫婦之別朋友之信使其不奢不
淫樽節敬讓而協於中然後趨向一而風俗同新雖小
邑其朝賀開讀朝覲上官迎春救護鄉飲讀法居輿服

義城縣志
式冠婚喪祭之儀紀載舊章者皆秩然而不紊舉而修
明之讀法循制稽古以正俗亦教民禮讓之意也述禮
儀志

朝賀

漢初仍秦以十月爲歲首高祖七年定諸侯群臣朝
以十月魏晉以冬至受方國及百僚稱賀唐元宗以
生辰爲千秋節宋太祖稱長春節太宗稱乾明節明
正月朔稱元旦冬至稱長至皇上生辰稱萬壽節太
子生辰稱千秋節

皇清元旦冬至

萬壽

太皇太后

皇太后

皇太子千秋前一日習儀於廣照寺結綵於縣廳設龍亭於中香案於龍亭前儀仗鼓樂於露臺東西至日五更縣印官率僚屬各具朝服師生耆里僧道人等各服其服於縣廳行慶祝禮贊詞曰新城縣某官臣某等荷國厚恩叨享祿位皆賴天生我君保民致治今茲聖旦正旦長至聖壽益增臣某等下情無任忻躍感戴之至各儀注俱如常例

開讀

宋郡縣皆有勅書樓藏頒降勅書元郡縣皆有迎恩亭明迎恩亭在北門外今仍之

詔使例以郡學生員賫捧至縣印官率僚屬師生耆里僧道人等官具朝服餘各服其服龍亭綵輿儀仗鼓樂出郭迎接使至下馬取

詔書置龍亭中南向立於龍亭之東衆北向行禮畢鼓樂前導使者上馬龍亭後東邊行衆隨行至縣門下馬候龍亭至縣廳中使者隨入立於龍亭之東西向通贊排班行禮使者捧

新坊縣志
詔授開讀人跪受詣開讀案衆官跪聽宣讀訖各儀俱如常例

迎春

明洪武禮制每歲小寒日塑造春牛芒神立春前一日各官吉服迎至縣門外土牛南向芒神東西向至日清晨陳設祭品各官朝服祭勾芒神禮畢執綵杖立土牛兩傍插鼓鞭春各官環擊土牛三匝散斑會宴祭文曰三陽肇泰萬象回春盛德在木斗杓建寅惟神實司斯民是戴謹以酒果用伸奠獻尚享

救護

明制凡日月蝕欽天監先期推筭禮部通行天下至日縣印官率僚屬師生耆里僧道於縣廳露臺設香案朝服行救護禮陰陽官報初食執事者詣斑首前擊鼓三聲衆鼓齊鳴陰陽官報復圓樂作行禮散斑今仍之

上任

一到任前一日本衙門吏書人役合備儀仗首領官弁合屬生員出郊伺接入城先詣城隍廟宿齋備牲

醴禮生父老引新官同僚屬詣神前行禮祝誓曰某奉命來官務專人事主典神祭今者謁神特與神誓神率幽冥陰陽表裏予有政事未備希神默相使我政興務舉以安黎庶予倘怠政姦貪陷害僚屬凌雲下民神其降殃謹以牲醴致祭神其鑒之到任日至本衙門頭門下馬備牲醴祭儀門公服從中道入於月臺上望

闕詣香案前行禮畢上公座皂隸排衙報時辰吏房將公座呈押畢門庫弓兵祇禁坊鄉里長陰陽醫學僧道及合屬吏典六房吏典各次第參見行禮次坊鄉老人生員合屬官次首領官次佐貳官若係佐貳官到任先受所屬弁首領官禮方至長官行兩拜禮長官答拜畢諭僚屬曰朝廷設官置吏欲其敬神恤民親賢遠姦興利除害某不敏忝茲重任尚賴一二僚屬及邑中長者匡其不逮庶免後艱其四境之內利有當興弊所當革者某等當共竭力爲之以安黎庶諭畢開印署押公文

朝覲

明洪武初外官諸司正官首領官每年一朝十八年始定三年一朝賚紀功圖冊文移彙簿赴部考覈各造事蹟文冊仍畫土地人民圖本俱以十二月二十五日至京以辰戌丑未年爲期縣官一員帶首領官一員吏一名照到任須知依式對欵造冊具本親賚奏進聽吏部會同都察院考察賢否

皇清世祖章皇帝時定三年一次大計縣官首領官不赴京朝覲凡遇大計先一年十二月內差吏一員賚文冊赴京正月元旦朝 覲考察

康熙元年停止大計六年吏部

題定三年大計外官先一年十二月內用吏一員賚文冊赴京考察正月元旦朝

覲

鄉飲

自周之衰禮廢久矣漢永平間始復命郡縣行鄉飲酒禮於學牲以犬隋每歲於學一行之唐季冬之月正齒位蓋祖周黨正之義也以縣令爲主人鄉之老人年六十以上有德望一人爲賓次一人爲介又其

次爲三賓又其次爲衆賓宋淳化中詔有司講求鄉飲酒故事不果行高宗南渡始行之明初定鄉飲酒禮條式使民歲時燕會習禮讀律期於申明朝廷之法敦叙長幼之節五年奏定鄉飲酒禮儀各府州縣歲孟春正月孟冬十月有司與學官率士大夫之老者行於學校十六年頒行鄉飲酒禮圖式酒殺於官錢酌量支辦

皇清祖述前古歲再舉其禮於學宮公費編載全書存留支給然奉行者亦少矣

社飲

明會典里社每歲春秋社祭會飲舉行鄉飲酒禮所用酒殺於一百家內供辦毋致奢靡百家內除乞丐外其餘但係年老者雖至貧亦須上坐少者雖至富必序齒下坐不許攙越違者以違制論其有過犯之人雖年長財富須坐於衆賓席末聽讀律受戒諭供飲酒畢同退不許在衆賓上坐如有過犯之人不行赴飲及強坐衆賓之上者即係頑民主席及諸人首告遷徙邊遠其主席者及衆推讓有犯人在上坐同

罪其各里社以百家爲一會百家之內以里長主席
選年最高有德人所推服者一人爲賓其次一人爲
介其餘各依年齒序坐如有鄉人爲官致仕者主席
請以爲僕擇通文學者一人揚觶一人爲讀律二人
爲贊禮按此典僅載舊志從未有行

鄉見

明諸司職掌民間子孫弟姪甥婿見尊長生徒見師
範奴婢見家長久別行四拜禮尋常近別行揖禮其
餘親戚長幼照依等第久別行兩拜禮尋常近別行

揖禮平交同洪武五年定官民相見禮官禮諸司常
行今亦無異其民禮子孫於祖父母父母每旦必詣
前肅揖若遠出隔旬而見及節序慶賀皆四拜餘尊
長亦然若尊長踈遠者行肅揖禮遠出隔旬而見及
節序慶賀止行兩拜禮民間平交者亦如之凡鄉黨
序齒民間士農工商人等平居相見揖拜之禮幼者
先施歲時宴會坐次之列長者居上如佃戶見田主
不論齒序並行以少事長之禮若親屬不拘主佃止
行親屬禮二十年頒禮儀定制以五拜爲臣見君之

禮餘雖貴不過二拜

皇清定制以三跪九叩頭爲臣見君之禮其民間俱從常

例

鄉法

鄉法者周禮所謂鄉之政教禁令也明訓鄉之令先後諄諄要使之相友助相親睦而已洪武十九年頒行大誥續編三條一申明五常一互知丁業一明孝○二十八年諭戶臣曰古者風俗淳厚民相親睦貧窮親戚相救婚媾死喪鄰保相助近世教化不明風

俗頽弊鄉鄰親戚不能周恤甚者強凌弱衆暴寡富吞貧大失忠厚之道朕卽位以來恒申明教化於今未臻其效豈習俗之錮未易變耶朕置民百戶爲里一里之間有貧有富凡遇婚媾死喪富者助財貧者助力民豈有窮苦急迫之憂又如春夏耕穫之時一家無力百家代之推此已往百姓寧有不親睦者乎爾戶部其申諭此意使民知之○三十一年頒示教民榜文一民間有祖父母父母在堂者當隨家貧富奉養無缺已亡者依時祭祀展其孝敬爲父母者教

訓子孫爲子弟者孝敬伯叔爲妻者勸夫爲善如此和睦宗族不犯刑憲父母妻子朝夕相守豈不安享太平一鄉里人民住居相近田土相鄰父祖以來非親即識其年老者有是父祖輩行有是伯叔輩行有是兄長輩行朝夕相見與親一般年幼子弟皆須敬讓敢有輕薄侮慢不循誨者許里甲老人量情責罰若年長者不以禮導後生倚恃年老生事羅織者亦治以罪務要鄰里和睦長幼相愛如此則日久自無爭訟豈不優游田里安享太平一鄉里人民貧富不

等婚媾死喪誰家無之今後本里人戶凡遇吉凶等事互相賙給且如某家子弟婚媾其家貧窘一時難辦一里人戶每戶或出鈔一貫人戶一百便是百貫每戶五百便是五千貫如此貲助豈不成就日後

某家婚媾亦依此法輪流賙給又如某家或父母死喪在地各家出鈔若干或米若干資助棺槨喪葬之費日後某家倘有此事亦如前法互相賙給雖是貧家些小錢米亦可措辦如此則衆輕易舉行之日久鄉里自然親愛一民間一里之中若有強劫盜賊逃

軍逃囚及生事惡人一人不能緝捕里甲老人即須會集多人擒拏赴官違者以罪罪之一本鄉本里但有無藉潑皮平日刁頑爲非作歹不受教訓動輒把持挾制此非良善之民衆老人嚴加懲治如仍前不改拿送有司解赴京來若有司徇情脫放不解者許老人奏聞

皇清世祖章皇帝屢勅部頒示有司舉行鄉約

康熙十二年四月總督部院麻 頒行禮部咨奉

上諭十六條敦孝弟以重人倫篤宗族以昭雍睦和鄉黨

以息爭訟重農桑以足衣食尚節儉以惜財用隆學校以端士習黜異端以崇正學講法律以警愚頑明禮讓以厚風俗務本業以安民志訓子弟以禁非爲息誣告以全良善誠窩逃以免株連完錢糧以省催科聯保甲以弭盜賊解讎忿以重身命責成內外各官訓迪軍民人等務須詳繹各條分晰義理潤色情事與民情土俗一一開註纂輯成書

讀法

周禮州長各掌其州之教治政令正月之吉各屬其

州之民而讀法以考其德行道藝而勸之以糾其過惡而戒之歲時祭祀州社屬民讀法亦如之黨正四時孟月吉日屬民而讀邦法以糾戒之族師月吉屬民而讀邦法書其孝悌睦婣有學者閭胥凡春秋祭祀役政喪紀之數聚衆庶既比則讀其法書其敬敏任郵者自此禮久廢不行至明洪武始設木鐸警衆之法每鄉里各選年老殘疾或瞽目之人令小兒引持木鐸循行叫喚使衆聞知詞曰孝順父母尊敬長上和睦鄉里教訓子孫各安生理毋作非爲每月六

次後法漸弛邑司成王公材復倣藍田呂氏遺意立鄉約以維之名黎川鄉約約詞規制俱載舊志今不

錄

○鄧元錫張櫟俱有序見藝文

居服

新城房舍服飾舊無僭踰明制官民服色冠帶房舍鞍馬貴賤有等上可以兼下下不可以僭上其職官房舍一品二品廳堂七間九架三品至五品五間七架六品至九品三間七架庶民三間五架至職官服色各有常制不錄惟庶民男女衣服不得僭用金繡

許用紵絲綾羅紬絹素紗金首飾一件金耳環一對
餘止用銀翠帳幔職官三品以上用金花刺繡紗羅
四五品刺繡鈔羅六品以下素鈔羅庶民用鈔絹職
官四品以上傘用褐羅三簷五品青羅六品以下青
絹庶民並不得用羅絹涼傘許用油紙雨傘又職官
一二品器皿許用金玉三品至五品惟酒盞用金六
品以下酒盞用銀庶民惟酒盞銀餘並禁止洪武十
五年定農民家許穿紬絹紗布商賈家止許絹布其
文武百官軍民僧道人等衣服帳幔並不許用元黃

紫三色弁織繡龍鳳文

皇清康熙十一年禮部頒行定例欽奉

上諭諭禮部帝王致治首在維持風化辯別等威崇尚節
儉禁止奢侈故能使人心淳樸治化休隆近見官員
軍民人等服用奢靡僭越無度富者趨尚華麗貧者
互相效尤以致窘乏爲非盜竊詐僞由此而起人心
囂凌風俗頹壞其於治化所關匪細今應作何分別
務行禁止着九卿科道會同嚴加確議定例禮部遵
查順治九年定式將前例一併酌定凡五爪三爪滿

翠緞圓補子黃色秋香色黑狐皮外民公侯伯以下未入八分閒散宗室四品官三等侍衛以上貂皮捨喇獠蟒緞粧緞金花緞各樣補緞倭緞各緞俱准用無品閒散覺羅五品六品七品官金花緞倭緞各樣緞疋俱准用除蟒緞粧緞貂皮捨喇獠外其各樣皮臊俱准用貂皮止許作帽圍領八品九品官除蟒緞粧緞貂皮捨喇獠白豹皮不用外其各樣皮臊緞疋俱准用貂皮止許作帽圍領五品官以下九品官以上朝衣及衣服等物許用蟒緞粧緞倭緞鑲沿弁鑲領公侯伯一品官以下滿漢有頂帶官員已上其妻服色等物俱照夫其未分家子未出嫁女服色俱照父品級穿用已分家子照本身穿用已出嫁女照其夫穿用官員父母俱照子職品級穿用

御前使從無職閒人緞疋皮臊隨便穿用舉人官生貢生監生生員除貂皮捨喇獠白豹皮蟒緞粧緞金花緞外一應緞疋皮臊許穿用貂皮止許作帽圍領擺牙喇揆什庫無品筆帖式許穿紬綾紡絲絹屯絹葛夏布毛青三梭等物狼皮狐皮貉皮沙狐羊皮等皮軍

民及辦事人弁書辦外卽家僕許穿紡絲絹綿紬繭
紬褐子屯絹葛布毛青三梭布夏布狼皮狐皮貉皮
沙狐羊皮等皮擺牙喇及民凡一應器械不許用金
煖帽涼帽止許圓月用片金其妻亦隨夫凡各物件
不許用金珠擺牙喇撥什庫無品筆帖式及庶民煖
帽圍領不許用貂皮並不許穿狐吹沙狐腋及一應
緞疋紗羅緞靴靴上不許鑲綠斜皮帽止許用染黃
鼠皮及狐皮貉皮沙狐皮許作帽戴其緣事革職等
人除貂皮捨喇獠蟒緞粧緞金花緞不許穿用外原

係出仕之人相應許穿各樣緞疋皮臊僧道照常穿
用袈裟法衣外其別項俱與民同民公侯伯一品官
以下四品官三品侍衛以上刀帶撒袋等物許用綠
松珊瑚寶石等物其鞍轡不許用五品官以下至有
頂帶官員刀帶撒袋等物不許用綠松珊瑚寶石等
物民公侯伯以下至庶民亡故皮臊衣服俱照本身
若要隨身焚化聽許上墳後不許焚化違此定例越
分過用者聽該管官嚴查處分治罪奉

旨這本內所議幾處似屬稍過着再議禮部復公同再議

擺牙喇撥什庫無品筆帖式等許穿平常青衣素紬綾紡絲屯絹葛布夏布毛青三梭等物狼皮狐皮貉皮沙狐皮羊皮等皮其妻亦照夫穿便者止用金鉗軍民外卽書辦及辦事人許穿紬綾紡絲絹繭紬繭紬縐子屯絹葛布夏布毛青三梭狼皮狐皮貉皮沙狐皮羊皮等物其妻亦照夫穿便者止許用金鉗擺牙喇以下以至軍民便者許戴貂鼠帽及圍領家僕皂隸戲子等役許穿紡絲絹繭紬繭紬縐子屯絹葛布夏布毛青三梭狼皮狐皮貉皮沙狐皮羊皮等物貂鼠不許作帽圍領染黃臊鼠皮狐皮貉皮獺皮許作帽戴樂戶水戶俱戴本色黃臊鼠皮帽涼帽用綠絹裏沿邊許穿絹杭細繇紬毛青三梭葛布夏布羊皮其餘一應緞疋皮臊俱不許穿用餘照前議奉

旨軍民外卽書辦及辦事人等爰帽圍領不許用貂皮擺牙喇撥什庫無品筆帖式并外卽書辦及辦事人等之妻不許用金鉗餘俱依議

冠禮

明品官士庶三加繁簡不同品官緇布進賢爵弁士

庶則巾幘頭新城士大夫家率檢丘氏儀節庶人從俗三加禮久廢不行

婚禮

明會典有品官納婦庶人納婦品官依古行六禮庶人納采納幣遂請期然皆親迎新城惟士大夫家行親迎禮庶民但媒氏往迎明末務尚侈費用知踰節今物力衰耗男女家嫁娶頗歸簡朴與明季大異矣

喪禮

明會典定官民喪禮襲衣飯含銘旌歛衣棺槨墻窆明器引披鐸羽旛功布方相柳車誌石碑碣塋墳石人獸望柱祭物公侯品官各有等差六品以下無墻窆羽旛八品以下無方相七品以下無石獸庶人棺不得用硃紅明器一事功布以白布三尺引柩柳車以衾覆棺誌石二片同品官新城士大夫家則檢而行之庶人從俗稱家有無浮屠金鼓各從所便其喪服古禮爲父服斬衰父在爲母齊衰明洪武定制子爲父母庶子爲其母皆斬衰三年嫡子衆子爲庶母杖期惟塋惑堪輿江南痼俗依祖塋者不必順昭穆

或至侵迫謀他山者誘賣竊塋輒起爭訟他邑皆然不獨新城也

祭禮

明定制凡公侯品官別為祠屋於所居之東以祀高曾祖考并祔位於四仲月擇吉日或春秋分冬夏至又做朱子祠堂之制奉高曾祖禰四世主以四仲月行祭歲暮忌辰有祭歲時俗節有薦庶人得奉其祖父母父母時享於寢新城祠堂墓祭尤盛大姓中姓多合力創建雖中人之家亦務積貲市田以供墓祭務以崇先收族亦俗之厚也

燕禮

新城燕會舊尚簡樸明嘉靖間漸於南城侈費特甚隆慶五年巡撫都御史徐公栻力行裁禁酌定燕會規則一等葷味八盤素菜五碟見單乾果五碟水果五碟添案小菜小果各五碟麵飯三色湯品三盞俱不用大小案致多殺生遇有公宴慶賀依此設二等葷味六碗素菜四盤見單乾果五碟小水果添案五碟麵飯二色湯品二盞尋常會客照此設三等葷味

四碗小菜四碟小水果四碟麵飯一色湯品一盞凡
粘果高盤糖仙拖爐看九看七看五大蓬餽大渾豬
大渾羊牛肘桌面之類俱不許用不許搬演雜劇然
積習難挽近亦有倡為真率以遏浩繁者雖稍遵行
而奢風終未改也

江西新城縣志卷之七

三韓周天德秉彛纂修
北田涂景祚萬年編次

武備志

吾人恃陋春秋所譏除戒不虞義易垂訓安不忘危有
備乃可以無患也新邑當閩關嶺隘之衝為江右東南
盡境奸宄時伏寇警靡常前事屢見城池之修守關隘
之譏檢士伍之團閱鄉井之保助司茲土者庸可弗加
之意乎苟希漢武侯之巾扇而忘程不識之才斗其於

新成縣志
昧大易之訓而冒春秋之譏者幾何矣述武備志

民兵

明洪武初立民兵萬戶府簡民間武勇編成隊伍以時操練有事用以征戰事平復還爲民有功一體陞賞此郡邑民兵所由立也後內建五府外建都司衛所遂罷民兵正統十四年己巳復議天下召募壯勇令本地官司率領操練以自輔衛成化初始籍民爲兵每兵二十五名設總甲一人小甲二人視縣大小定兵之多寡弘治十年新城定編民壯七百三十四名稱爲機兵分春秋二班操演正德末嘉靖初先後遞

減止存機兵四百五十名嘉靖四十一年連年寇警奉軍門都察院議添編五百名後又革一百二十一名隆慶間詔各處額編民壯快手各該州縣責成印捕官操練兵備道巡歷試驗其保甲事尤爲弭盜良法各處着實舉行新城改額精兵一百四十九名常兵一百八十名萬曆間編精兵一百四十五名分上下兩班往府操練常兵一百四十二名在縣防守城池但中多脆弱包攬占役宿弊相仍不堪實用

皇清順治十五年奉文清汰止編民壯八十名改稱梁夫

守護城池常兵五十名只供使令無復寓兵之意矣

保甲

宋程灝爲晉城令立保伍法量鄉里遠近爲保伍使力役相助患難相恤姦僞無所容孤寡老疾者責親黨使無失所行旅出於其途者疾病皆有所養熙寧間王安石行之聯比其民以相保伍授以弓弩教之戰陣保內如遇有賊盜晝時告報同保人戶即時前去救應追捕如入別保即遞相擊鼓報應襲逐此法一立用以禦侮則寇攘消借以糾察則匪類懼

明嘉靖戊午庚辛間閩廣寇連犯江右新城當要害巡撫都御史胡公松議各縣立守望親兵及時團練警備不虞用十家爲一保五保爲一黨立黨正黨副街長村長鄰長以相維屬每夜設保夫十名更班鳴鑼繞村巡邏稽防奸宄救應夥盜一家有警保正保副卽率衆救援坐視不救者有罰隆慶辛未巡撫都御史徐公栻復申其令十家爲甲立甲長十甲爲保立黨正各置牌書揭保衆姓名朔望點視稽飭惰廢戒令互相覺察一人有犯九家舉首不行舉首九家連坐分巡僉憲許公鎡督屬縣行之甚力地方賴之

皇清康熙四年守憲李公士禎奉巡撫部院董嚴飭保甲於各坊都設社正社副甲長十家爲一甲三十甲爲一社互相聯絡於村市要道處所置立閘門晝則各安生理夜則分派巡邏覺察巡警以備不虞有益於民良爲不淺

關隘

杉關

在縣境東北七十里一名杉嶺兩山壁立聳峭夾道

其關本福建光澤縣所築內屬光澤外屬本邑爲江
閩咽喉要害視諸隘爲最

德勝關

在縣南五十里六都馬嘴嶺下舊名塲頭隘明嘉靖
三十九年閩叛兵廣人袁三等三百餘出泰寧建撫
守備王址拒戰塲頭山爲賊所殺後知縣湯建衡始
築是關改名德勝

按新城三方並界閩嶺道徑所通莫非險隘然皆無
關獨德勝一關又據非其地其於戒不虞者疎矣關
前有溪溪外復爲商旅常行之路既居嶺下賊人踰
嶺勢卽建瓴雖無他岐猶將莫禦况又有他岐可超
軼哉此關殊不得其險要

黃家嶺隘

四十七
都嶺南

丘家嶺隘

五十一
都嶺南

李嶺隘

五十一
都嶺南

竹鷄嶺隘

菜嶺隘

以上界
建寧縣

大坪嶺隘

東駭嶺隘

紅水嶺隘

虞崎嶺隘

鹽嶺隘

四望嶺隘

胡寮嶺隘

桃樹嶺隘 以上界
泰寧縣

黃土嶺隘

極高嶺隘

毛家嶺隘

牟殺嶺隘 以上界
邵武縣

巖嶺隘

東興嶺隘

風掃嶺隘 以上界
光澤縣

野鷄嶺隘

楊梅嶺隘

招軍嶺隘

樟村嶺隘

油嶺隘

馬嘴嶺隘

義陽嶺隘

鶉鳩嶺隘 以上次於
界者不一

弋陽隘 四十四都
西屬南豐

鷄屯隘 四十五都
西屬南豐

新城自西南以至東北與閩建泰邵澤四邑限帶山徑凡遇地方警報上司輒委官稽查各隘既不辨其緩急亦無事於守禦承委之官具文應故而巳力分於備多史有明戒無事則聽其便行有事則塞其緩者守其急者在司土者臨事而熟計之庶有其險亦能用其險矣

器械

- 縣原貯兵
- 鎗
- 盔甲
- 火鏡
- 鳥鏡
- 飛虎旗
- 大旗
- 小旗
- 木棍
- 大刀
- 腰刀
- 長鎗
- 噴鎗

鐵鑱 批鎗 狼筈 團牌 弓 弩 矢 木靶

以上兵械舊多朽鈍虛耗殘缺未備明嘉靖間知縣湯建衡因連年寇警造製新器崇禎間知縣楊榮因寇警復備補殘缺迨縣治寇燬庫籥灰燼兵械蕩然武備空虛次第脩舉尚賴其人

教場

宋初在縣城東金斗岡明天順間改建在城南一里南津建演武廳將臺旗臺正德間知縣蕭一中重脩嘉靖戊午閩寇犯城南教場乃爲聚掠之地庚申知縣

環勝堂
自可

湯建衡復於城內東山刊木闢地建環勝堂日夕處其中選練驍健連年寇警城賴不陷○湯建衡有謝鄧潛谷携酒過環勝堂詩云去年月色同今夕今歲兵戈甚去年盡日簿書眞自苦強顏樽酒對君傳城闌到處聞金柝里巷何由遍管絃白髮憂時空有淚萬方多難更誰憐○又王材詩云待月東山秋氣清曾臺樽俎共論兵蹶張並試穿楊技度曲聞吹折柳聲借箸幾番勞計畧披襟此日暢心情四隣豺虎恣風惡百里絃歌健令明○又詩云千山翠黛擁江城

環勝堂開鳥道平白鴈聲回秋漸老蒼松影落月初
明劇談何惜窮今古中世由來多戰爭幸有東京虞
詡在還能醉客坐深更

皇清改建城南五里窰前洲

城規

明嘉靖辛酉汀潮劇寇臨城知縣湯建衡示城外遠近
居民俱徙入城立守城事規遴上戶克保長中戶克
小甲下戶爲鄉兵均派守城每梁備石一簍夜備燈
一盞每高舖一間小甲一名鳴鑼遞籌週流巡警東

敵樓設大鼓一面遇警擊鼓傳報無事則散歸有警
則鳴鑼一傳衆皆上城無後者機兵防守各門則無
時或廢又於城內東山選練驍勇健習火器弓弩故
連年寇警城賴不陷○大司成王公材爲作制
勝安民詩序見後藝文

崇禎壬申流寇周八震警丙子妖賊張普微作亂知
縣楊榮廖翰標各循前規派守

防守

明初招募民兵以本處官司帥領不設防守嘉靖壬戌
巡撫都御史胡公松奉旨創設江西三營建昌爲東

營先是閩廣寇連犯南豐新城巡撫都御史何公遷
奏設守備營於南豐叅將梁守愚欲改建新城邑司
成王公材力言於郡以新城偏邑非便仍建營南豐
皇清康熙五年各縣定設防守新城地逼閩隘寇警靡常
議分撥建協千總一員帶兵五十防駐新城每年八
月輪班代換復分百總一名駐守石碇

江西新城縣志卷之八

三韓周天德秉彜纂修

北田涂景祚萬年編次

官職志

邑令於民最親道易行志易效佐倅分職以爲之貳師
以賢得民儒以道得民凡職於茲土者政教之責具有
勞焉其名固不可遺也蓋非特紀遷叙之甲乙辨歲月
之从近欲人卽其時考其事善以爲法惡以爲監也故
官必舉其職非以干百姓之譽也治教之績茂隆熙盛

新成縣志
斯民飲澤承休感繹誦傳於不已表之傳之彰往以勸
來亦懲勵官方之意云爾述官職志

官屬

周官縣正各掌其縣之政令晉謂之大夫魯衛謂之
宰楚謂之尹或僭稱公秦縣萬戶以上爲令減萬戶
爲長漢因之唐縣分赤畿望緊上中下縣令各一人
宋天下諸縣除赤畿外有望緊上中下四千戶爲望
三千戶以上爲緊二千戶以上爲中不及千戶爲中
下五百戶以下爲下知縣事一人元縣分上中下二
萬戶以上爲上縣一萬戶以上爲中縣萬戶以下爲
下縣各設達魯花赤一員掌縣印以蒙古人爲之縣

尹一員掌判署事以漢人南人任明縣定三等賦十萬石以下爲上縣六萬石以下爲中縣三萬石以下爲下縣知縣一員並正七品主一縣之政

秦縣皆有丞漢多以本部人爲之唐丞爲令之貳宋初不置丞熙寧紹興間詔縣二萬戶及萬戶以上增置丞一員以幕職或令縣人充之新城以中縣不置丞元上縣置丞中下不置明縣各置丞崇禎初年新城以中縣裁革

漢縣各置主簿令長得自調用唐以流外爲之宋開寶三年詔諸縣千戶以上置簿元諸縣皆置簿明縣俱設簿

漢唐宋縣俱不設典史元始置典史爲幕官明典史爲首領官初名掌史未入流

漢隄邑校官或稱文學或稱經學士唐隄文學一人學生四十人宋慶曆四年詔諸路州軍監立學置教授一人聽運司及長吏薦充元儒學置教諭訓導明縣學教諭一員訓導二員

秦縣皆有尉唐宋爲品官在主簿之下宋縣尉於沿

邊溪洞蕃漢州縣管界處所置巡檢司南城新城兩縣同巡檢一人南豐新城兩縣同巡檢一人新城同安寨巡檢一人元置飛鳶巡檢一人明初設極高同安飛鳶三巡檢後裁飛鳶惟存極高同安二司周禮有醫師掌醫之政令唐州置醫學博士一人元州置醫學學正明縣置醫學訓科一員元諸路置陰陽教授州有陰陽學學正明縣設陰陽訓術一員又僧會一員道會一員皇清知縣一員縣丞一員典史一員教諭一員初設訓導

一員康熙三年裁革同安巡檢司巡檢一員極高巡檢司巡檢一員醫學訓科一員陰陽學典術一員僧會一員道會一員

宋

縣令

趙公輔

河南人宋宗室以右從事郎丞南城紹興八年初置新城以公輔攝縣事明年實授縣初開民吏生梗公寬和調劑創縣宇與百度上應軍興下接帥漕皆有條理

李維芑

臨江人紹興十二年任勤於政事纖悉洞究革奸蠹省徭役建學訓士民感其德為立祠之祀

葉秉彛 由右宣議郎紹興十五年任

侯賓 由右宣議郎紹興十八年任

沈夔仲 由右通直郎紹興二十年任

趙公說 由左承事郎紹興十二年任以憂去

趙觀 由右承事郎紹興二十四年任

李維樞 由右宣議郎紹興二十七年任

趙子濛 紹興三十年任

林次齡 紹興三十年任

杜應德 紹興三十年任

葉熊 隆興二年任

葉翔鳳 乾道三年任

趙善仁 乾道五年任

方源 乾道八年任

俞泛 淳熙元年任

李鼎之 淳熙二年任

張觀 淳熙五年任

于傲 淳熙八年任

柯清卿 淳熙十年任

李謙 淳熙十四年任

趙善沛 紹熙四年任

董之奇 慶元二年任

張克誠 慶元四年任

王從 嘉泰元年任

崔與之 南海人嘉泰四年任令新城時適歲大歉有強發民廩者執其首析手足以徇盜乃止勸分有法貧富安之嘉定中知成都府兼本路安撫使寬減征賦篤志為民詔盡護西蜀之師拊循將士人心悅服蜀人為肖像祀之金南遷汴朝議疑其進迫特授與之直寶謨閣權發遣揚州事主曾淮東安撫司事奏選守將集民兵浚濠甃城創山寨結忠義金人不

敢深入浙東饑流民渡江與之開門撫納所活萬餘金人入境宰相連遺與之三書俾議和與之亟脩守戰遣精銳布要害金人深入無功而和議亦寢召為秘書少監軍民遮道垂泣年八十二卒累封南海郡公謚清獻

林伯誠 嘉定元年任

陳賓王 嘉定四年任

楊祖堯 嘉定五年任

何暹 嘉定八年任

潘皇 嘉定十年任

李絢 嘉定十四年任

林 昱 嘉定六年任

王 埜 寶慶二年任

孫 燧 紹定三年任

吳宗夫 紹定五年任

鄭 衍 端平元年任

趙瀛夫 嘉熙元年任

趙師康 淳祐元年任

莊慶周 淳祐三年任

時 棻 淳祐六年任

趙與證 淳祐六年任

應三顧 淳祐九年任

雷 洽 由宣教即淳祐十年任

黃應德 由從仕即淳祐十一年任

趙汝厓 由從仕即淳祐十二年任

段 璿 由從仕即寶祐五年任

王從吉 到任年月無考

主簿

陳紹復 紹興九年任

張公嗣

紹興十二年任

程資忠

紹興十四年任

潘渭老

紹興十六年任

丘紹

紹興十八年任

慕容邦舉

紹興二十年任

晁公溢

紹興二十二年任

章說

紹興二十四年任

黃光昌

紹興二十七年任

季文蔚

紹興二十九年任

黃珪

紹興三十一年任

史踞

紹興三十三年任

季仲臆

隆興二年任

鍾必勝

乾道三年任

狄斗南

乾道八年任

傅丙

淳熙元年任

高首卿

淳熙五年任

龔元龜

淳熙八年任

沈杞

淳熙十一年任

沈如愚 紹熙四年任

吳鵬舉 紹熙七年任

季聰 慶元二年任

王深 慶元四年任

錢魯 嘉泰元年任

張彥忠 嘉泰四年任

李大壯 嘉定元年任

謝獻子 嘉定五年任

慕容華 嘉定六年任

曾公益 嘉定八年任

趙汝藻 嘉定十年任

吳宗文 紹熙四年任

胡伯驥 紹熙五年任

張壩 文林 紹熙二年任

趙崇稠 紹熙元年任

張應龍 紹熙四年任

趙必森 紹熙七年任

艾淑 紹熙十年任

邵涇 紹興元年任

李復 紹興四年任

謝舉 紹興六年任

尉

王辨 紹興九年任

胡銓 紹興十年任

魏介卿 紹興十年任

王來 紹興十年任

林昕 紹興十年任

管濟 紹興二十一年任

楊景 紹興二十二年任

謝邦獻 紹興二十四年任

左與 紹興二十七年任

劉元齡 紹興二十八年任

蔡楫 紹興三十年任

李紹祖 紹興三十三年任

呂祖仁 乾道三年任

陸瓚 乾道五年任

劉尚新 淳熙元年任

高日新 淳熙三年任

陳同祖 淳熙五年任

黃彝 淳熙八年任

夏子悱 淳熙十年任

李文子 紹熙四年任

張槐 慶元二年任

陳希甫 慶元三年任

林謨 慶元五年任

謝淡 嘉泰元年任

施季澗 嘉定元年任

劉汝謙 嘉定四年任

趙與灝 嘉定六年任

胡榮祖 嘉定八年任

張有大 嘉定十年任

趙作夫 脩職即紹定四年任

陳榮 從仕即端平元年任

趙汝騶 文林即端平二年任

陳南強 文林郎淳祐二年任

趙泌 迪功郎淳祐五年任

錢良佐 迪功郎淳祐九年任

劉士先 迪功郎寶祐三年任

趙必時 脩職郎寶祐六年任

巡檢

王粹翁 本紹聖時官以石陂後入新城故追紀其名

元

達魯花赤 無考

縣尹

王瑄 汴梁人延祐元年任公勤篤慎官俸外一無苟取官租職田荒瘠奏減輕膏歲饑勸分以濟立義倉建邑西通濟橋自南津至縣三里許岸路為水衝决瑄修築堤防至今賴之

呂 名失

侯敬 汴梁人元統元年任廉勤有為民有被他縣誣指偽造寶鈔者敬曰吾奉命宰百里忍坐視斯民無辜就死遂上疏代雪邑人德之以內艱去

苗益 益都路人至正二年任廉勤愛民歲大疫捐俸買藥躬率醫士遍歷鄉村拯救草寇逼境集義士及申調官軍克之境賴以安其加意學校均役賑饑諸政見虞集學宮記○按舊志宋自置縣凡百四十年今茲邑者四十八人今有聞者僅三人元世八十九年今有聞

者亦三人三人之外諸姓名亦無存焉佐
倅以下則邈然矣豈非簡策濶踈之故耶

主簿

劉

失名章
貢人

陳

失名

尉

無考○以上元時文籍
荒濶莫可考者多矣

教諭

王三鎰

邑北坊人

訓導

李復亨

巡檢

江賜錄

席瑛

字俊仲臨川人任飛
鳶司遂家於新城

明

知縣

沙良佐

武進人洪武元年任時官署學官強半毀於
兵燹良佐捐俸創修律身廉謹泣政寬和三
年之間邑里安集

陳和

洪武四年任政稱廉謹
詩律書法皆有可觀

新度

洪武六年任
以廉平稱

駱載德

會稽人洪武八年任以憂去博學多識和易近人增建儒學講堂齋舍射圃訓迪諸生務

臻成效善政頗多

田嘉

河南人由人材洪武十二年任涖政廉勤誠心牧愛居逾年却通判葉楷行縣不律公借縣丞張增奏劾之朝嘉其剛直陞江西按察司副使增亦陞潮州同知

朱銘

洪武十三年任

朱原

洪武十六年任

洪深

句容人由監生洪武十九年任陞刑部主事尚禮持法愛民作士以廉能稱

葉智勝

富陽人洪武二十一年任以憂去任未久稱平易

孫仲名

由老人洪武二十三年任

韓祥

洪武二十七年任

黃仕良

欽州人由監生洪武二十九年任

張文琮

臨海人由舉人授太湖教諭陞任持已廉慎加意學校政暇輒戾學宮或召諸生至縣齋講解經義作與備至歲饑不待請報發粟賑救遇旱齋戒禱神大雨輒應他邑訟有難折者監司輒以委之交

革論薦擢知劍州

施文亮

柳城人由監生永樂二年任

邵宗亮

浙江建德人由驛丞以薦陞永樂七年到任寬和清慎以誣去

符翰高

瓊州人永樂九年任

龐鑑

山陽人由監生永樂十一年任

鄭海正 浦江人由監生 永樂十六年任

馮時 字文泰仁和人由監生永樂二十年任寬和愛民廉勤謙慎臨事以敬待人以誠興學崇

儒宣德五年以覲回歿於臨川邑民感慕繪像祀之

萬貫 海寧人由監生宣德六年任精勤明斷吏民信服以憂去

陳員韜 字從熙臨海人由進士宣德十年任廉介自持動由矩矱導民以儉事上不阿抑豪強撫

窮困黜姦黠平賦寬征勸農業脩水利毀淫祠以廢寺田業貧民王府校尉之徵代者奏

止終其身葺文廟作人材增建預脩倉歲饑賑貸民無失所政平訟理居三年以才優治

劇調永新擢御史歷陞福州布政使邑人思其德不忘立遺愛亭篆碑揚溪之上記見藝

文魏瀚詩云惠民誰似陳夫子五十年來愛尚存○子選試禮部第一官御史按治江西

至新城經遺愛亭有感詩云驛騎凌晨出遠林新城入望淚盈襟空懷二十年前事風木

蕭蕭恨轉深○循行無德布春陽老稚懽迎滿道傍自是先翁遺愛在人人相愛比甘棠

石蒙 上虞人由監生 正統八年任

高聞 由監生景泰四年任五年以憂去

萬立朝 四川江津人由舉 人景泰六年任

胡旭 銅陵人由監生景泰七年任天順七年以憂去

傅京 馬平人由監生 天順八年任

呂讚 太湖人由進士成化六年任十年陞刑部主事

陳紋 上元人由進士成化十九年任秉心公恕愛民如子用軟皮為鞭催科督責惟務寬恤常

日刑者輔治之具不得已而用之持身清謹政脩民服秩滿去民懷思之

段敏

金壇人由進士弘治五年任涖官精密興利除弊竭心撫愛廉正無頗士民悅服凡有興

作羣情感勸民不知勞以才優治劇調廬陵累官浙江布政司叅議○譙樓記云來寄是

世察政之疵民之病梳剔而摩拊之凡有所為本之以廉行之以仁民既感悅

郭濬

字愛德真定平山人由進士弘治十年任端謹易直政尚寬平民愛戴之崇教興學公暇

輒戾學宮課勵諸生秩滿陞刑部主事

梁國寶

廣東順德人由舉人弘治十八年任未幾以憂去

洪宣進

揭陽人由監生弘治十八年任

林洪

福建德化人由監生正德二年任

徐繡

裕州人由舉人正德五年任剛介任事始奏築城七年九月以憂去

黃文鸞

莆田人由舉人正德八年任建置功多編纂丙子邑志俱見勤績

蕭一中

字執夫號兩湖華容人由進士正德十四年任風裁肅勁始下車憤前政之弊鋤擊豪蠹

撫摩困屈除煩去虐民以大蕪有青天之謚政既通居之以寬行之以簡聽斷明果獄無

淹繫清版籍均賦徭節科需厚儲蓄一意利民先是歲編王府民校苦於承應費或至破

家公請於臺省輸銀催役以邑追需遂為例南城妖民傳又久倡白蓮教惑衆啓亂密計

擒之禍遂息敦禮崇教興學勸士自儒廟齋舍諸壇壝公宇百廢一新建橋築堤民不知

費至今賴之居身清約三年百姓安富召入為御史歷官巡撫副都御史邑民思之立去

思亭監石紀德與前令陳員縮遺愛亭並峙揚溪為歷來邑令稱最

葉良佩

字敬之號海峯浙江太平人由進士嘉靖三年任清節雅度承蕭令振作之後涖官嚴靜

訟牒益簡且日焚香誦書解舍蕭然嘗自署其楹曰空庭不掃三分聖泰宇常涵一脈春

節愛之政士民感賴期年調貴溪歷陞南京刑部郎中○邑鄧元錫云邑地譏客山欺主

賢令長不恒有陳段蕭葉稱頌之數十百年不衰至今想慕風烈猶令人嘉嘆不置云

范維恭

福建長樂人由舉人嘉靖四年任守官勤慎賦政寬平歷陞潮州府通判桂林府同知

李大本

公安人由舉人嘉靖十一年任

殷學夔

婺源人由監生嘉靖十四年任

楚岱

永興人由舉人嘉靖十七年任

劉志學

海陽人由舉人嘉靖二十年任以憂去後起南城歷陞通判

陳温

同安人由舉人嘉靖二十五年任

張岱

臨桂人由舉人嘉靖二十八年任

石磐

貴州安南衛人由舉人嘉靖三十年任以貪罷去任

高履謙

寶應人由舉人嘉靖三十二年任以憂去

李伯生

巴人由進士嘉靖三十五年任興廢舉闕有修城功見勒功碑置行館於郡城官民便之

湯建衡

字平仲號懷南宜興人由舉人嘉靖三十八年任守身廉約斷獄明恕值閩寇叛兵連歲

殘掠公百計死守選練驍勇於城內東山日夕操練布置城守寒暄無間寇再至城下請

援不至躬率邑民相機畫策竟卻之居三年疲於兵事性頗倨直謂勞不見知因謝病歸

未幾卒

朱應隆 慈谿人由舉人嘉靖四十二年任暗而貪以老病歸卒

陳雋 福建長樂人由舉人隆慶二年任逾月以憂去

李嘉猷 雲南泰和人由舉人隆慶三年任纂編隆慶辛未邑志博學官葺縣宇皆有成勞

蒲德裕 惠安人由貢生萬曆元年任

劉杰 廣東新惠人萬曆四年任

章宗理 湖廣黃梅人萬曆六年任

葉自新 萬曆七年任

沈銓 湖廣江陵人由舉人萬曆十一年任

葉甘瓠 福建清流人由舉人萬曆十四年任

呂文峰 朝陽人由舉人萬曆十六年任

熊大維 萬曆十八年任

鄧仲元 萬曆二十年任

夏國寶 湖廣湘潭人由進士萬曆二十三年任差糧併徵民便輸將至今食利○邑張司空標有

碑記其事

常孚獻 福建莆田人由舉人萬曆二十五年任清介剛方不畏豪勢人不敢干以私實心愛民釐

剔蠹寶庫被盜齋宿城隍祠與神對繫三夕神以夢告盜隨獲任再滿陞蘇州府通判民

今常懷尚有常硬之稱

趙日崇 晉江人由舉人以刑部主事謫降萬曆二十九年任創建功多勞績頗著士民為建生祠

吳家橋立去思碑

林喬木 晉江人由舉人萬曆三十二年任

高江 錢塘人由舉人萬曆三十四年任

李文郁 合肥人由進士萬曆三十六年任

金德 長興人由舉人萬曆三十八年任

徐文治 湖廣人由舉人萬曆四十一年任

湯必選 萬曆四十六年任

殷聘尹 字起三直隸昆山人由舉人萬曆四十七年任
廉能敏決才與學優清蠹禁惰敦學好賢
重建縣堂民樂趨事不苦勞費嘗自言云要
一文官不直一文寬一分民受惠一分任六

年陞大理寺評事士民為立祠
監碑於北門外灌湖路側

吳之屏 湖廣崇德人由進士天啓三年任
庭無繁牒獄無滯冤里無劇呼市無閒遊
費序無棄材見去思碑士民為立生祠北郊

林天植 天啓五年任

劉日芳 湖廣宜黃人由舉人崇禎二年任

楊榮 號行竹泉州同安人由舉人崇禎四年任
才猷警敏剔弊釐奸植伏如神等賢好士
勤學興農歲饑告諭開糴躬行郊野賑救
多方流寇震鄰團練鄉兵固守城池賊不
敢至六年之間政簡刑清士民悅服尋以
計察去官自題署門曰傲霜六載吏知我
兩門神去之日士民拔轅脫靴擁莫能前
為篆碑紀績邑冢宰涂國鼎為之記

廖翰標 廣東人崇禎十年任

林士科 廣東揭陽人崇禎十三年任 奸抑勢弊肅風清亦稱良吏

譚夢開 廣西柳州府上林縣人由舉人崇禎十七年任

皇清順治二年乙酉七月師定建昌夢開賣印冊歸附仍以夢開管縣事是月閩杉關元把總構邑黃公隆涂子冕入城執挾夢開赴福建殺之九月閩鄭彩王觀光張家玉擁眾數千出杉關據新城以閩邵武李翔營縣事三年丙戌正月鄭彩兵敗於建昌復奔新城我師長驅至縣彩等率眾宵遁官兵入城翔獨徒步奮敵傷墜二騎尋被執繫至撫州文昌橋殺之

縣丞

張增 河南人洪武十一年任明斷不阿吏民畏服陞潮州府同知

馬禮 洪武二十四年任

韓政 荊州人由監生洪武三十三年任持身廉勤滋事公平愛民如子有古循吏風奏築大塘蛇絲等陂民至今賴其利

黎父秀

吳敬榮 浦城人永樂二十二年任佐政勤能以憂去

趙珩 淮安人由監生宣德六年任 端厚廉勤以文學飾吏事

劉鏡 湖廣人由監生 正統八年任

何暹 將樂人由監生景泰二年任篤厚愛民四年致仕

胡瑛 廣西宜山人由監生景泰五年任存心平恕不尚刑罰

王孟栢 浙江人由監生任滿立籍四十都居北坊

李瓊 大理人由監生

鄭冲 樂清人由監生

倫侃 四川人由監生

黎瑄 咸陽人由監生

陳覽 寧海人由監生弘治十四年任

李瑛 沅陵人由監生

胡涪 江山人

郝文昭 京山人由監生弘治十年任以憂去

周悌 秀水人由監生正德二年任

鄭璟 湯陰人由監生正德四年任

周思仁 景陵人正德九年任

陳全 藍山人由吏員正德十一年任

譚維誠

茹淮 餘姚人由吏員嘉靖八年任

袁傑 嘉靖十年任

孫冕 由監生嘉靖十四年任

包文魁 青陽人由監生 嘉靖十八年任

唐銳 晉江人由選貢嘉 靖二十三年任

朱得之 清江人由歲貢嘉靖二十九年任署其 門日願聞已過願聞民隱逾月以憂去

胡鑾 湖廣遠安人由貢監嘉靖三十一年任天性 仁厚持躬清謹佐政勤慎嘗署篆寬詳節愛

民甚德之陞瀋陽左衛經歷去之 日民琢石為脫靴亭以志感云

莊臣 睢寧人由吏員 嘉靖四十年任

余克昌 銅陵人由監生 隆慶二年任

王旭錫 福清人由吏員 隆慶四年任

周文相 江浦人由監生 隆慶五年任

張一源 福建永定人由選 貢萬曆二年任

杜廷衛 湖廣荊州人由選 貢萬曆六年任

陸言 浙江海寧人由選 貢萬曆九年任

金建之 浙江山陰人由吏 員萬曆十三年任

林時熙 福清人由歲貢 萬曆十六年任

馬良希 賀縣人由歲貢 萬曆十九年任

解尚科 龍州人由歲貢萬 曆二十一年任

張國濂 山陰人由吏員萬 曆二十七年任

單日新 山陰人由吏員萬 曆二十八年任

錢體乾

當塗人由歲貢萬曆三十一年任

魏邦卿

繁昌人由監生萬曆三十三年任

張燁

新化人由選貢萬曆三十五年任

陳祉雲

萬曆三十八年任

鄒道元

莆田人由監生萬曆三十九年任

鄴道光

萬曆四十二年任

甘濟

萬曆四十八年任

陳萬畿

天啓四年任

黃子鯨

天啓七年任

許日熙

崇禎二年任四年奉旨裁

主簿

梁棟

單末

江昱

李仲温

澧州人

李懋

郭伯南

保昌人

鮑春

無錫人

汪勝觀 銅陵人由監生永樂七年任執守有常取予不苟

談斯美 華容人

王濕 河南人

馬寧 山陰人

侯璠 山東人由生員宣德五年任廣勤和惠與物無忤以憂去

何淵 雲南人由監生正統六年任

楊信 湖廣人正統七年任

李昂 湖廣人由監生

李逢清 由監生景泰四年任

顧成 楊州人由吏員天順三年任

潘浩 由監生成化十一年任

王豫 永嘉人由監生

祝達 浙江龍泉人由監生

吳誠 浙江人由監生

王鈇 眉州人由監生

余彥 順昌人由監生

楊敏 時為捕盜添置一員

任雄 四川人由監生

章文恭

會稽人由監生
弘治十四年任

徐訥

宣城人由監生
弘治十七年任

周驥

楊州人由監生
弘治十八年任

閻廷相

交城人由監生
弘治二十年任

段舉

封丘人由吏員
正德二年任

高顥

江都人正
德七年任

王瑤

常熟人由吏員
嘉靖元年任

李森

嘉靖五
年任

譚維誠

嘉靖八
年任

劉如愚

莘容人由官生
嘉靖十三年任

甘正邦

嘉靖十
四年任

孫瑀

榆林衛人由監生
嘉靖十六年任

徐臧

浦城人由吏員
嘉靖二十年任

童餘芳

蘭溪人由監生嘉
靖二十八年任

馮景叙

瓊山人由監生嘉
靖三十一年任

劉善希

茶陵人由歲貢嘉
靖三十九年任

廖學朱

樂昌人由貢生嘉
靖四十二年任

潘恂

婺源人由監生
隆慶二年任

楊謨 城步人由歲貢 隆慶五年任

徐汝玉 浙江淳安人由監生 萬曆元年任

馬觀吉 浙江嘉興人由吏員 萬曆五年任

楊世爵 萬曆七年任

蘇美紹 直隸人由監生 萬曆八年任

李燧 浙江歸安人由監生 萬曆十五年任

雷應春 江陵人由監生 萬曆十八年任

施必先 萬曆二十一年任

沈其昌 萬曆二十四年任

陳期極 太興人由監生 萬曆二十六年任

張應科 義水人 萬曆二十八年任

李宗道 福清人由吏員 萬曆三十年任

周明俠 浙江紹興人 萬曆三十二年任

江邦勝 萬曆三十六年任

朱克成 萬曆四十一年任

賈應坤 萬曆四十四年任

王士元 黃州人 天啓元年任

魏卿 天啓五年任

陸企雲 崇禎元年任

鄭成 崇禎四年任

強希呂 崇禎七年任

楊德容 湖廣長沙人 崇禎九年任

毛羽 崇禎十年任

胡鴻升 江南人 崇禎十二年任

沈用中 崇禎十五年任

高奇 崇禎十七年任

典史

呂敏 洪武元年任

楊宗 洪武三年任

姚觀孫 洪武十年任

黃仕祿 洪武三十年任

蔺真 永樂五年任

方茂 貴池人 永樂七年任

鄒仲和 崑山人 永樂二十年任

陸萱 華亭人 由舉人授同安訓導 左遷 宣德六年任 謙謹寡默 温然不見有不滿之意

陳光 由吏員景泰三年任

許斌 舒城人由吏員景泰六年任

武惠 北直隸人由吏員天順六年任

曹權 成化六年任

聞義 北直隸人由吏員成化八年任

何冕 華亭人成化十七年任

陳義 成化十八年任

陳聚 弘治元年任

顏彪 曲阜人弘治三年任

吳沂 弘治七年任

羅江 弘治十一年任

梁深 吳川人由吏員弘治十五年任

桂明 慈谿人由知印正德四年任

朱永綬 當途人由吏員正德九年任

胡敞 繁昌人由吏員正德十四年任

梁經 南海人由吏員嘉靖九年任

潘鸞 嘉靖十二年任

翁瑞 莆田人由吏員嘉靖二十年任

濮誥 當途人由吏員嘉靖二十五年任

金鐸

侯官人由吏員嘉靖三十四年任

徐洪亥

遂昌人由吏員嘉靖三十八年任

張應

莆田人由吏員嘉靖四十三年任

王奉

直隸興化人由吏員隆慶三年任

俞道

山陰人由吏員隆慶六年任

陳謨

莆田人由吏員萬曆三年任

黃元祚

浙江壽昌人由吏員萬曆六年任

黃邦鼎

萬曆七年任

馮惟俊

廣東順德人由吏員萬曆十年任

魏世迪

廣西羅城人由吏員萬曆十三年任

婁文法

萬曆二十四年任

王本龍

萬曆二十五年任

李之香

萬曆二十七年任

張兆隆

萬曆二十九年任

羅日志

萬曆三十一年任

施萬紀

萬曆三十五年任

胡德芳

萬曆四十年任

周汝敬

萬曆四十八年任

王嘉隆 天啓四年任

蔣其功 天啓七年任

蘇明俊 南京人崇禎三年任

李一桂 崇禎六年任

崔光岳 崇禎八年任

謝夢麟 崇禎十年任

金世芳 崇禎十四年任

葛 崇禎十七年任

教諭

朱仲達 邑德安鄉人洪武八年任教訓諸生

劉仲瑜 廬陵人由生員洪武十四年任學博行脩師範端嚴敷教有序嘗受聘考福建鄉試陞國子監學錄致仕遂家新城子

羅秀實 顯永樂乙酉舉江西鄉試

賴應祥 長汀人由監生洪武二十九年任廬士以正不為妄悅秩滿陞應天府學教授

吳儀 相陰人由舉人永樂六年任

曾亨 江陵人永樂十五年任剛介尚義修飾廟學後為同僚所誣以歸諸生惜之

上官祐 邵武人由舉人宣德二年任博涉群籍講貫詳明古文詩律並訓誨無倦諸生多樂從

之與山東鄉試房考以薦擢弋陽令

李俊 統年任 人正

黃祐 臨海人由舉人 天順二年任

馮源 瓊州人天 順五年任

呂繼和 連江人由監生 成化元年任

濮瑀 銅陵人由監生 成化七年任

王崇 巴人成化 十四年任

陳旒 崑山人由舉人成化十八年任 教法嚴明勤於訓誨士心悅服

葉鳳靈 太平人由舉人 弘治六年任

周珩 順德人弘治 十七年任

顏悅 山陰人正 德四年任

邢鵬 莒田人由舉人 正德九年任

魯鎮 建德人由歲貢 正德十二年任

高鳳崑 安溪人由歲貢 正德十四年任

張用 靈川人由歲貢 嘉靖十年任

王嘉謨 楚雄人由舉人 嘉靖十五年任

王津 襄陽衛人由選貢 嘉靖二十年任

廖如嵩 南平人由選貢嘉靖二 十一年任 廉慎端樸

彭翼 甌寧人由歲貢嘉 靖三十三年任

陳國信

連江人由舉人嘉靖三十七年任

吳山

南海人由歲貢嘉靖四十一年任

陳文甫

閩縣人由選貢嘉靖四十五年任勤學飭行卒於任

王緒

合肥人由歲貢隆慶二年任

何士瞿

南海人由舉人隆慶五年任力正士習以憂去

彭端芳

安福人由歲貢萬曆元年任

蕭重熙

泰寧人由選貢萬曆四年任

王國禎

萬曆七年任

查仁

星子人由歲貢萬曆八年任

劉希曾

上杭人由歲貢萬曆十一年任

李天憲

南昌人由舉人萬曆十二年任

陳德新

直隸人由歲貢萬曆十五年任

劉而康

萬曆十七年任

蔣

萬曆二十四年任

鄭

萬曆二十五年任

郭偉

萬曆二十六年任

鄔有望

宜豐人由舉人萬曆三十年任

林剛中

莆田人由舉人萬曆三十七年任

饒汝梧

南昌人由舉人萬曆四十五年任

黃

萬曆四十六年任

劉之化

新昌人由舉人天啓元年任

陳維讓

進賢人由舉人天啓五年任

謝上進

廬陵人由舉人崇禎四年任

席來聘

臨川人由舉人崇禎七年任卒於官

唐如嵩

人崇禎十年任

黃臺

新淦人由歲貢崇禎十三年任

李成美

遼東人由舉人崇禎十五年任本邑知縣

訓導

童

熙

邑德安鄉人七才子之一以經明行修薦

鄧

琪

邑旌善鄉人

潘

恢

邑人

嚴

渙

邑人

王

崇

南城人由明經博學薦洪武二十年任訓迪生徒疊疊不倦秩滿陞南城教諭

翁躬道

順昌人由舉人永樂六年任沉潛端重訓迪有方精於翰墨為時所重

黃

佐

順昌人由舉人正統九年任

鄭

壽

永嘉人

卽文 浙江建德人由監生

程本肅 潼川州人由監生成化元年任

詹緝 漳州人成化四年任

彭洪紀 莆田人由監生

陳墳 侯官人由舉人成化十三年任事親克孝恂恂和易邃於經學後陞德清教諭

林洪 惠州人成化十六年任

周俊 零陵人由舉人弘治三年任

陳良心 湖州人由舉人弘治四年任好古守禮教法嚴明每日夙興必正衣冠隨諸生材質高下授之學至有要義處必懇切指示欲其實體諸身不徒為科舉之學已也秩滿陞丹陽教

論士至今稱之

范旭 鎮江人弘治九年任

張錦 蕪州人弘治十七年任

龔統 崑山人由歲貢弘治二十年任

李存恕 崇明人正德元年任

張淵 丹徒人由監生正德三年任

王滌 邵武人由監生正德五年任

何圖 廣東順德人由監生正德十年任

張璫 涪州人由監生正德十三年

陳豫章

長樂人由舉人正德十五年任家居孝友質行恂樸與諸生校經義必由矩矱出私俸以

繼膏粥士類嚮風多所成就縣令蕭一中藥良珮深敬禮之陞教諭尋陞知縣歷潮州通

判廣東鹽課司提舉

李潮

鄭陽人由歲貢嘉靖二年任

陳璽

麗水人由歲貢嘉靖七年任

周瑛

慶元人由歲貢嘉靖十年任寬平雅度

徐廷錫

將樂人由選貢嘉靖十七年任

歐陽矩

廬陵人由歲貢嘉靖十九年任

陳教

永嘉人由歲貢嘉靖二十年任

潘紀

高要人由歲貢嘉靖二十三年任

楊友鳳

衡山人由歲貢嘉靖二十五年任

艾鑾

武陵人由歲貢嘉靖二十八年任

周玻

臨海人由歲貢嘉靖三十二年任

梁一麟

四會人由歲貢嘉靖三十五年任

施為

懷遠人由歲貢嘉靖三十八年任

鄧鵬

懷寧人由歲貢嘉靖三十九年任

卜雲祥

直隸桃源人由歲貢嘉靖四十四年任清儉平實卒於任

李一助

茂名人由歲貢嘉靖四十六年任清慎慈和諸生感服後陞王府教授

鄧選

梓楊人由歲貢
隆慶三年任

徐文清

歙州人由歲貢
隆慶五年任

何永升

崇仁人由歲貢
萬曆元年任

王盈化

邵陽人由歲貢
萬曆四年任

鍾譜

龍南人由歲貢
萬曆五年任

錢時雨

萬曆七年任

黎文輝

宜春人由選貢
萬曆九年任

文宗

善化人由選貢
萬曆十一年任

魏岱

新建人由選貢
萬曆十六年任

朱賢舜

萬曆十七年任

荆朝冕

由歲貢萬曆二十年任

彭汝訓

萬曆三十年任

彭吉

萬曆三十七年任

楊可依

由歲貢萬曆三十九年任

張如深

萬曆四十四年任

陳其善

廣信人由歲貢萬曆四十六年任

江光式

饒州人由歲貢萬曆四十八年任

余紹臯

四川人由歲貢天啓二年任

左文錢

南昌人天啓二年任

程應陽

天啓四年任

楊文璧

天啓五年任

楊大桂

湖廣人由歲貢崇禎元年任

強尚質

崇禎二年任

胡珩昌

廬陵人由歲貢崇禎四年任

朱統文

南昌人由歲貢崇禎五年任

劉仕貞

由歲貢崇禎七年任

熊似龍

豐城人由歲貢崇禎九年任

崔岑

稷山人由歲貢崇禎十一年任

何仲元

德化人由歲貢崇禎十二年任

彭聯慶

安義人由歲貢崇禎十七年任

巡檢

羅仲真

劉銳

高唐州人嘉靖二年任

范崇義

桐城人由吏員嘉靖十二年任

馮文簡

廬州人由吏員嘉靖二十年任

尹從美

武安人由吏員嘉靖二十五年任

王廷宣 麻城人由吏員嘉靖三十一年任

王鯤 江陰人由吏員嘉靖三十三年任

王綱 黃梅人由吏員嘉靖三十九年任

陳德卿 莆田人由吏員嘉靖二十八年任

鄭錫浩

劉照 安東人由知印嘉靖四十二年任

張選 泗州人由吏員嘉靖四十四年任

楊應麟

臧考 鄞人由吏員隆慶四年任

陳瀚 山陰人由吏員隆慶六年任

姜杞 高郵人由吏員萬曆六年任

于銀 紹興人由吏員萬曆七年任

劉杞 壽昌人由吏員萬曆十年任

徐燧 臨安人由吏員萬曆十三年任

殷尚綱 天啓六年任

黃尚惠 崇禎二年任

林日泰 崇禎五年任

馮日華 崇禎十年任
以上係同安司

周郁 洪武八年任

董成祖 洪武十四年任

黃谷 嘉靖二年任

黃興契 嘉靖七年任

起廷玉 嘉靖十年任

關佐 當途人由吏員 嘉靖十六年任

潘槐 嘉靖二十年任

張世祿 嘉靖二十年任

祿仲甫 嘉靖二十六年任

史恩 嘉靖三十年

鄒汝汶 蒙城人由吏員 嘉靖三十四年任

郝謙 臨清人由吏員 嘉靖三十五年任

陳熬 餘姚人由知印 嘉靖四十年任

智簡 德州人由吏員 嘉靖四十四年任

季尚元 含山人由知印 隆慶二年任

陳大篇 鳳陽人由吏員 隆慶四年任

周相 江都人

王爵 寧懷人

臧元景 婺源人

薛卿 錢塘人

李元冕 山陰人

周道光 崇禎元年任

任應達 崇禎五年任

吳進 會稽人崇禎二年任

毛應朝 浙江人崇禎十年任卒於官○以上係極高司

皇清

知縣

裴平淮 山西澤州人由舉人順治三年任恬澹靜鎮撫字寬和當干戈擾攘之際專務與民休息

戊子叛將金聲桓王得仁變起倉猝偽官方尚賢據攝縣事孤城無守援兵不至平淮退避郊舍卒以憂死藁葬中野人至今哀之

遼東海州人由貢生明末任本邑儒學訓導順治六年任

李成美 遼陽人由貢生順治八年任以病去

楊成德 山東泰安州人由進士順治十二年任卒於官

范惟粹 江南宿州人由歲貢順治十五年任降級離任

卜慶熊 江南太平人由授貢順治十七年任雅度惠和慈愛恤下靖藩沈鎮往來閩關關鵬先後拮据日夜樵勞因俟候

焦鵬 沈將軍暴卒郡邸

沈將軍暴卒郡邸

操弘儒

湖廣雲夢人由舉人康熙元年任質性慈惠恭慎端恪事上接下咸本以誠縣治久燬歷

二十餘年泚茲土者未有倡議創建獨弘儒毅然為之民感其誠咸踴躍趨事歷二年落成尋以疾卒

時論惜之

周天德

奉天府遼陽人鑲紅旗山貢生康熙六年任

一新城稍遠於野界於閩屢經殘燬允出沒天德甫任城西一帶領圮數十餘丈

天德即倡集紳里設法完葺不累里民一縣廳廨舍雖經前任操令重建然東西六

房譙樓後堂尚未完成天德捐俸修建兩序譙樓及後廨關帝廟

惟後堂工尚未成一聖廟櫺星門前泮池經兵寇殘毀天

德倡集儒學諸生捐貲修濬甃砌石闌一邑東東湖寺前有小塘形家謂係一城水

星歲久堙塞城中每遭祝融天德為倡眾修濬周圍砌以石

闌火患遂息一迎恩亭舊經寇燬詔使每至各官迎接

輒露處江干天德就北關舊址捐俸脩建一便民倉漕南糧米向俱用圓斛每石額外

加收二升天德悉依司頒檉斛革除前弊一新城曩弊上司差舍到縣勒索常規天德

徵收錢糧悉依部行赤曆由單三限徵解遂絕守催

舊弊一新城舊例俱派現年里長值日天德革除陋規每薪米用度悉照民價自辦不累里民

一新城僻遠山陬民畏兵馬向歲逢有經過供給芻料且前且却天德任內或有經過即

親誼五福石硤送辦供給不累里民

一歲值荒歉他處米貴好事者每搬運射利致邑中米價騰起天德禁遏對價民得平糴

縣丞

林鍾 福建南平人由拔貢順治十七年任

牛倬 山西壺關人由恩貢康熙三年任以計去

王光祚 山東鄆城人由貢生康熙十年任

典史

張世祿 浙江人順治三年任

陳大賓 北京大興人由吏員順治六年任

丘確 浙江寧海人由吏員順治九年任

段明棟 陝西藍田人由吏員順治十年任卒於官

單逢源 順天涿州人由吏員順治十三年任陞白水市巡檢

薛祚昌 陝西三元人由吏員順治十八年任王師經過具有勞績典史廨舊經寇燬祚昌捐貲勸

建廨宇三間尋以計去人皆惜之

謝鍾英 浙江餘姚人由吏員康熙元年任以計去

程時彥 湖廣枝江人由吏員康熙十年任十一年捐貲重脩復拓建後舍四間

教諭

饒元球 進賢人由貢生順治三年任

許儔 南昌人由舉人順治四年任

李發第 南昌人順治五年任

白玉奇

東鄉人由選貢
順治八年任

周十年

金谿人由舉人順治十年任課士
有方操履靜篤尋卒人咸惜之

劉玉耀

安福人由舉人
順治十二年任

謝生蘭

安福人由舉人康熙五
年任本年聘廣東分考

訓導

余麟

臨川人由貢生
順治三年任

顏世克

宜黃人順
治五年任

管登瀛

寧都人順
治七年任

鄧之麟

新建人由歲貢
順治十年任

何兆祺

彭澤人由歲貢順治十
六年任康熙三二年裁

巡檢

余元祐

會稽人由吏員
順治六年任

朱甫文

昌黎人由吏員順
治九年任以計去

王炳文

會稽人由吏員康熙
元年任告病休致

沈居泰

金華人由吏員康熙六
年任○以上係同安司

葉如珪

莆田人由儒士
順治四年任

宋立濟

會稽人由吏員順
治七年任奉於官

朱忠良

真定衛人由吏員順治十
三年任以遲悞考滿去

林良棟

大興人由吏員康熙四年任以憂去

龔自高

江都人由吏員康熙七年任○以上係極高司

吏典

附

周吏之府史也元縣司吏五人尉吏一人貼書十八
明縣設六房各司吏一人典吏二人內選充舖長一
人凡吏掌行文書每一二歲或三歲從本省按察司
照刷中間獄訟淹滯刑名違錯錢糧埋沒不均等項
依律究問遲者舉行錯者改正合迫理者皆立案催
督結絕洪武四年禁諸司濫設貼書革舞文之弊

皇清順治初奉部文盡除故明舊吏另募農民答應書寫

十三年又奉文清查援納六房正缺吏各納銀二十
兩儒學同安極高二司吏各納銀十五兩准給劄撥
叅每年各照賦役文冊給吏俸銀六兩康熙元年奉
行裁革三年奉

上諭免各府州縣吏納銀止許召募農民充補其現存
吏員例滿不願送考者悉行除汰七年奉 巡撫部
院董

題明建昌府屬南新豐廣四縣各司典二十四名查經

費錄止十二名應存留十二名餘悉裁革後又請
旨更定酌查科事繁簡留用今現存吏房司吏一名戶
房司吏一名典吏一名糧房司吏一名禮房司吏一
名兵房司吏一名刑房司吏一名典吏一名工房司
吏一名承發房典吏一名舖長科司吏一名架閣房
典吏一名倉房攢典吏一名庫房攢典吏一名儒學
攢典吏一名同安巡檢司攢典吏一名極高巡檢司
攢典吏一名



